



JABATAN PERKHIDMATAN VETERINAR

LAPORAN PEMANTAUAN MEDIA

6 JUN 2024 (KHAMIS)

Lima Ekor Kerbau Diseludup Naik Bot Penumpang

MEDIA	RUANGAN	MUKA SURAT	TARIKH
Kosmo!	Negara	12	6 Jun

Lima ekor kerbau diseludup naik bot penumpang

MIRI - Cubaan tiga lelaki menyeludup masuk lima ekor kerbau dari Sabah ke negeri ini menggunakan sebuah bot penumpang gagal apabila mereka ditahan di perairan Lawas dekat sini semalam.

Pengarah Zon Maritim Miri, Kepten Maritim Mohd. Khairul Anuar Saad berkata, kesemua suspek ditahan kira-kira pukul 10.45 pagi oleh bot ronda Maritim

Malaysia (APMM) Zon Maritim Miri di kedudukan 3.1 batu nautika selatan Tanjung Perapat.

"Hasil pemeriksaan dan penggeledahan menemukan sebanyak lima ekor kerbau.

"Bot penumpang itu dikendalikan oleh seorang tekong serta dua awak-awak yang kesemuanya rakyat tempatan.

"Mereka ditahan kerana disyaki melakukan kesalahan di

bawah Seksyen 9 (1) dan (3) Ordinan Kesihatan Awam Veterinar 1999 kerana gagal mengemukakan permit pemindahan haiwan ternakan ke Sarawak," katanya dalam kenyataannya.

Tambahnya, bot penumpang bersama kesemua kru terabit telah diiring ke Jeti Pejabat Daerah Lawas sebelum diserahkan kepada Jabatan Veterinar Sarawak untuk tindakan lanjut.



TIGA lelaki ditahan kerana menyeludup lima ekor kerbau di perairan Lawas dekat Miri semalam.

Redah Laut Bergelora 'Seludup' Kerbau Dari Sabah Ke Lawas

MEDIA	RUANGAN	MUKA SURAT	TARIKH
My Metro	Mutakhir	Online	5 Jun



Maritim Malaysia menahan sebuah bot penumpang yang membawa muatan lima ekor kerbau dari Sabah untuk dibawa ke Lawas, Sarawak, semalam. FOTO IHSAN MARITIM MALAYSIA

Kuching: Cubaan tiga lelaki mengangkut lima ekor kerbau menaiki bot penumpang dari Sabah ke Lawas, Limbang gagal apabila ditahan Agensi Penguatkuasaan Maritim Malaysia (APMM), semalam.

Pengarah APMM Zon Maritim Miri, Kepten Maritim Mohd Khairol Anuar Saad berkata, sepasukan anggota APMM menjalankan rondaan di perairan Lawas dalam Op Permai 01/2019 dan Op Tiris 3.0 pada 10.45 pagi.

Menurutnya, mereka mengesan sebuah bot dalam

keadaan mencurigakan di kedudukan 3.1 batu nautika di selatan Tanjung Perapat lalu bertindak menahannya.

"Hasil pemeriksaan, didapati bot penumpang yang dikendalikan seorang tekong dan dua awak-awak warga tempatan membawa lima ekor kerbau yang diikat.

"Bot penumpang itu bersama kesemua kru dibawa ke Jeti Pejabat Daerah Lawas dan diserahkan kepada Pegawai Jabatan Perkhidmatan Veterinar Sarawak untuk tindakan lanjut," katanya.

Menurutnya, siasatan dibuat mengikut Seksyen 9 (1) dan (3) Ordinan Kesihatan Awam Veterinar (VPHO) 1999.

Katanya, pihaknya sentiasa komited dalam menguatkuasakan undang-undang dan tidak akan berkompromi ke atas mana-mana pihak.-[MYMETRO](#)

TERIMA KASIH

DISEDIAKAN OLEH:

UNIT KOMUNIKASI KORPORAT
JABATAN PERKHIDMATAN VETERINAR